

續天津縣志卷八

風俗

附義舉

舊志風俗物產並紀原本漢書地理志第土物土宜今昔不殊非如風俗之可以移易也邑向五方雜處逐末者多踵事增華日趨浮靡民氣強悍雖好鬪而畏法無敢與官長抗違者自改縣以來文風日盛家絃戶誦以氣節相高無論貧富見義必為饒有古遺風焉故篇中不再贅物產而以義舉附之

風俗

續天津縣志

卷八

風俗

一

天津無沃田人皆以賈趨利

天津衛志

民俗尚華侈而皆好善樂施

孫泳重修大慈寺記

歲時 元日至初五不以生米為炊謂之忌破五

上元節通衢張燈結綵放花炮 諸寺觀作天

官會

三月初三日文士祀 文昌帝君於城西廟中凡

貧民之拾補綴者皆集以其所檢字紙送入廟中

是日酬以酒食坐諸兩廊優待之 清明日迎

城隍神於西郊赦辜 以是日風為久風兆 二

十三日 天后誕辰預演百會俗呼為皇會十六

日日送駕十八日日接駕二十二二十二兩日輦駕  
出巡先之以雜劇填塞街巷連宵達旦游人如狂  
極太平之景象

四月初六初八兩日 府縣城隍神出巡賽會如  
前 二十八日藥王誕辰自二十日始各廟賽會  
者二十五日河東二十六日楊柳青二十七日城  
西有因親病立願者是日以紅布裹脛赤足右手  
爇香左手攜磚匍匐翻之自一步至五步望廟而  
拜名曰拜香其香火最盛者則距城三十餘里之  
峰山

五月以夏至日東風爲水徵日夏至東風搖麥子  
水裏撈

六月初伏日食麩以是日雨爲旱兆日初伏澆耒  
伏燒

七月以立秋日雨爲秋澇之兆不再爲秋晴之兆  
中元節作盂蘭會放荷燈燒法船

八月初一日雨爲旱兆 二十七日 至聖誕辰  
學校中人士敬致祭於 文廟奠獻如禮

九月九日重陽節以 玉皇閣爲登高處城內水  
月菴與諸道觀禮北斗攢香高丈餘焚之歷晝夜

十月初一日迎 城隍神於西郊赦辜 二十五  
日以陰晴卜一冬寒燠陰則燠晴則寒

十一月冬至日繪消寒圖食餛飩

十二月初八日清晨有施豆者先於夜間跪佛前  
每捻一豆念佛一聲曰結緣豆 是月多嫁娶如  
古仲春會男女 二十三日祀竈後易桃符門神  
除夕祭神祀祖先花炮聲通宵不絕

附義舉

惜字社 有廣文崇文興文郁文等社皆捐資僱夫  
撻揀字紙焚之沈灰於河邑廩生于秉鈞附生董

續天津縣志

卷八

風俗

三

爲仁等倡立採取拾遺二會於勸捐外復勸工作  
各坊勿收買字紙鋪家皆感動邑紳周自邠製白  
紙本以易婦女包裹針線花樣之舊書卷董爲仁  
以斧鑿自隨碎瓦甃上字跡沈之於河

救火會 邑多火災康熙初貢生武廷豫創立同善

救火會雍正初鹽政莽公

鵠立

捐置救火器具厥

後士民續立會凡數十處詳立條約遇災卽鳴鑼  
遞傳頃刻奔集災所與會者半屬負戴貿易之人  
聞聲皆奮勇往救置其貨物於不顧街市人每代  
爲守護火旣熄乃緩鳴其鑼按道里遠近分次序

而散一方賴之

附會規

一聞火先鳴鑼於街中以齊衆又於場外鳴鑼以催水並用撓鉤酌拉牆壁以免延燒

一水龍不許對面激水

一水龍不許前後擁塞致礙水道

按火會立後續增至四十餘局每歲或春或秋各局首善設席邀請捐資紳士鋪戶與救火伍善以酬之

又按各會添製號衣器具蠟燭燈籠等件用項

續天津縣志

卷八

附義舉

四

甚鉅除捐資外長蘆運庫每歲助銀共約壹千餘兩

救生會 一在北浮橋每歲糧艘趨行時搶渡之人

往往失足落水見者懼累不免袖手嘉慶初邑生

員龐躍淵呈請邑侯陸公

香森

出示如有失足落

水者許平人拯救救之不生只須水鄉約稟報不得牽累於是集議倡立救生會於關下捐設小船一隻僱長夫二名月給工食隨時拯救其後關上之茶葉店內市口二渡人亦設之

一在東浮橋嘉慶二年邑人潘士廉劉傑等因東

浮橋亦不時開放船隻於橋南橋北各渡口公捐小船四隻分巡拯救

一在西沽浮橋西沽爲南北往來要路有鄭姓者失其名因東北兩關俱有義舉亦集衆捐設後漸廢

嘉慶八年邑紳徐健處士王璋重整之

### 附會規

一置高照大燈於每月十八至初七排列橋口以照行人餘日遇陰晦亦如之

一每活一人酬錢一千如救已斃酬錢五百如有不願受酬者記其姓氏謝之

### 續天津縣志

#### 卷八

附義舉

五

一遇有落水者卽時隨溜趕救得生者送於其家如已斃卽置屍身於義船交水鄉約報官

一如有無賴素識水性之人故作失足希圖邀賞者送官治之

### 恤孤會

貧者往往以生計艱難棄所生子女於途

邑善士立此會見者收養周自邠朱光觀徐通泰徐通復徐通久廩生于秉鈞增生王勗監生崔存誠王錫朋民人柴溶王璋以及運署差役李祥皆有收養周自邠並呈請鹽政徵公瑞立育嬰堂於

東門外

恤嫠會 嫠婦有立志守節不免凍餒者邑增生朱維翰等立此會約好義之人捐資爲嫠婦月費復與蘆商公議每鹽一包捐錢一文以裕會資

附會規

- 一立主辦一人總查一人幫辦十二人分段訪查
- 一嫠婦月給錢一千五百文其有翁姑年老而無別子奉養者加錢七百五十文有子女小口者加錢五百文
- 一嫠婦無依而忍饑寒於家或無子或子未成丁者恤之

- 一嫠婦有子屆七八歲送義學讀書
- 一嫠婦守節三十年代請 旌表
- 一嫠婦有積蓄者有子已成丁者有翁姑養育者有親族可資助者皆不恤

一嫠婦爲人僕者不恤

一嫠婦再醮而又孀居者不恤

一嫠婦有子年至十八卽停恤如其子有廢疾者仍酌恤之

一嫠婦本在恤會中繼或前後易轍不在恤例者卽中止

濟急會 邑紳周自邠朱光覲朱纁等倡立

附會規

一遇事每人出資自一百至五百而止各量力爲之

一救急如救火會中預儲錢以待遇事卽照付之

一遇孤寡無依者除勸令謀生外酌量濟之

一遇痺癱殘疾坐以待斃者酌量濟之

一遇闔家疾病無藥資養贍者酌量濟之

一遇舊族凌夷至貧不能舉火者除勸令設法外

酌量濟之

續天津縣志

卷八

附義舉

七

一遇失足落水等事不暇到公所知會卽令能救者救之隨酌濟錢文

一遇遺棄嬰兒卽攜到公所設法安置

一遇貧苦致夫婦分離或鬻子女者代償其所得

身價仍勸令團聚

一遇異鄉過客流落在津資斧無措者酌量辦理

施粥 乾隆間東豫歲歉貧民奔往奉天經過津邑

邑人張宏鎮煮粥以待餓者歲壬子復歉有夫婦

攜子女經過津邑至河干夫前行婦覓夫不得飢

疲不能進大哭久之遂同子女沈於河及夫回聞

之亦自沈邑紳周自邠朱光覲等慨然謂夫婦僅獲一飽何慘至此遂設立粥廠時有僧悟玉亦以所蓄香資施於廠襄其事者邑人王錫朋柴溶王璋閻致德湖北監生熊觀而士民助粟者復千百人後有

旨飭地方官計所助多寡分三等給匾以獎之嘉慶辛酉津邑大水四鄉災民紛逃來城生員李嘉善舉人徐通復徐通久監生徐高行捐米助賑李自捐徐勸捐餘者於歲暮散之徐更築 呂祖閣於東門外內置義倉儲捐米以備急雖升斗必記其名以

續天津縣志

卷八

附義舉

八

彰好義

餽餽會 津邑西門外向有小店住貧人乞丐甚夥

每值隆冬風雪店主恐其餓死往往逐出倒斃不

可勝數舊有金姓者

失其名

立餽餽會邑紳周自邠

朱光覲黃成彥黃成章郭錫胡秉忠貢生魏天僕

趙崇仁生員張玘劉鎮監生湯聘民人邢元植相

繼踵行其會以蜀秫蒸做餽餽遇風雪日於起更

時會中人分赴各店人給二枚病人產婦加給錢

文徐通復徐通久皆職是會後漸廢廩生寇蘭皋

復立延生社至今不墜詳藝文



薑湯 每歲施粥貧民黎明赴廠時有因凍致斃者  
因於廠側結棚備薑湯以濟之

施棉衣 徐通復徐通久李嘉善倡製以給貧人遇  
寒士不能出門戶者並贈以綈袍成衣紀汝棠以  
事屬義舉縫製不取工價衆義之爲捐從九品銜  
一時邑人曹文達張槐芳皆願施因立堂曰三益  
又有郭天福與候選州牧金藩亦捐資助之

施棺 邑李廷秀李同仁高鑑孫起龍李同和之先  
人於康熙間倡行數十年捐資勿替乾隆間廷秀  
等復呈請運使盧公

見會

運庫每歲助銀二十四

兩定爲例後漸廢邑紳李錦倡衆捐資襄其事者  
百餘人復舉行凡路斃與貧不能殮者給棺一口  
錢七百五十文以爲葬費初局在西門內白衣寺  
李錦移於大佛寺後有史姓者失其名重立局於白  
衣寺內邑人從九品王德榮議敘六品銜張肇岐  
復請於運使每歲增銀二百四十兩嘉慶六年津  
郡大水路死甚多局費支絀邑人從九品陳萬勝  
徐通復等勸捐整理以鼓樓西板橋衙火神廟  
爲會所出資者崔嘉賓暨謝王楊華章諸姓自咸  
豐初至今舉人李秉璋歲捐資以助善舉

施席 凡遇貧人病故不及求棺則給席一領乾隆間邑人孫美義捐資首倡嘉慶六七年間閭致德於施席外並爲埋葬

掩骼 乾隆三十六年邑人華龍藻呈請撥城西南官地二頃餘立掩骼社首事爲孫美義乾隆四十年間閭致德立願掩骼嘉慶六年大水四鄉民結棚而居死者纍纍致德倡捐僱夫瘞埋一時助者甚衆次年徐高行亦踵行之道光七年邑人李明遠復於城西立澤屍社道光二十四年邑人閭盛德甄沛霖潘聚川程悅耕約在社六十餘人每日

續天津縣志

卷八

附義舉

十

各捐錢四文助社費咸豐十年僧王挑築濠牆屍骨被掘暴露費不支勢將中止邑人守禦所千總楊成錦約社中同人悉心經理諸費皆獨力捐辦附會規

一凡零星骸骨卽於其處理之不遷他處

一凡枯骨如男女可辨者分別葬之

一凡棺朽暴露者卽於其處培土不遷移

一凡掩骨之後必起墳頭以免他日取土誤掘

一凡遇屍橫野地詳查有無縊痕傷痕以免後患

路燈

有王姓者

失其名

因每歲糧艘盛行時橋夫夜

不閉橋或閉而不嚴致行人失足落水於橋上設燈照之

施水 每至夏日街市有施水施茶施冰施梅湯豆湯大麥湯以濟路人

施藥 邑施藥之家甚夥最著者康熙間貢生武廷豫醫士金大受乾隆間監生徐高行從九品紀汝棠曹文達張槐芳候選州牧金藩及其僕米良

施渡 乾隆初有張姓失其名在海河西岸龍王廟設

渡船一隻窰窪與馮家口舊有渡船歲久敝漏邑

紳李錦改作之嘉慶十三年四品職王樞造義渡

船二隻

撈埋浮屍 天津海河爲衆水匯歸之所時有浮屍

順流而下乾隆間邑侯熊公恩紱設局於鹽關海

神廟派書役備棺木諭沿河居民遇屍卽時撈報

給棺一口錢五百爲掩埋之費仍詳記年貌以憑

認領並將商捐養贍老少餘項移用以僧了凡經

理其事後漸廢民人沈朝琮釀金買舟撈屍有阮

姓者失其名捐備棺木又城東十一里掛甲寺海河

赴海之所經也其水繚曲往復浮屍至此不能直

下往往潮托沙上狼籍不堪嘉慶間無量菴僧覺

彬芥園僧溥恬捐資撈埋有大佛寺僧緒旺善慶菴僧源立過街閣僧廣有呈請邑侯任公銜蕙於

掛甲寺東北里許置義地十畝爲埋葬之所復請於運使索公諾木扎木楚歲撥育嬰堂項內餘銀

一百五十兩爲經費咸豐間邑監生劉象咸經理其事同治七年捻逆亂後五六月間被難浮屍沿

河而下晝夜不絕署天津知府任公信成捐廉二

百兩交劉象咸爲撈屍備棺之用以上增訂蔣稿

殮埋社 邑人甄起順侯珍張有僧人法來於城西

慈惠寺立殮埋社凡貧寒之家力不能營辦殮埋

續天津縣志

卷八 附義舉

十三

者社中卽備費前往代爲料理

放生院 在河北大悲寺中凡牲畜老病殘疾者居

民每送入院中給資交僧養之日久不敷寺僧募

化接濟不倦又募化各米積合勺至石餘於臘八

日煮粥以濟乞丐貧民歲以爲常

牛痘局 在運署後同治六年邑人候選治中華光

煒立

院試燈牌 道光癸卯春學使馮公芝按試津郡於

童試頭門外凡唱名不到者不准補點入場邑廩

生王鏞候選治中華光煒倡製燈牌十餘面按府

試名次排書各童姓名每牌五十人臨點時先後隨牌而進遂無悞者至今行之

西延生社 邑廩生寇蘭皋倡立邑人守禦所千總楊成錦踵行自咸豐六年起歲捐銀千餘兩至二千餘兩不等

東延生社 在河東元帝廟東通商大臣崇公厚以西關一社不能普被復立一社於釐捐局耗羨項下歲撥銀約二三千兩爲施饘之用邑人趙濬吳士恭經理其事有碑記

文廟灑掃社 邑生員陳鼎元立凡在社者月捐錢百文朔望拈香

續天津縣志

卷八

附義舉

十三

文廟與祭社 邑生員郭傑立凡在社者月捐錢六十文爲春秋丁祭聚集之用

芹香社 邑廩生王鏞立每科歲試新生於入學之後齊赴 文武帝君廟拈香以申誠敬而聯友誼並刊刻齒錄

附義地

一在西門外礮臺南順治十四年天津道副使張公湜施立

一在河北關上白衣寺北計地三十畝康熙三十

一年附監生梅開傑施立

一在西門外池南里許計地二頃四十畝康熙四

十六年天津道李公發甲施立

一在西門外濠西南乾隆三十五年邑侯熊公恩

紱以邑人華文治呈請撥新墾地二頃二十餘畝

聽民埋葬冊存縣署戶北科房

一在城東南馬家口名曰四九墳乾隆三十五年

大水邑紳孫明周自邠撈水中浮屍葬此有碑記

一在西門外育黎堂西乾隆四十九年運使張公

棟施立計地一百二十畝有碑記

續天津縣志

卷八 附義地

一江西義地在城西南二里許邑侯陳公鳳翔施

立

一掛甲寺撈屍義地在寺東北里許去城十一里

邑侯任公衡蕙施立

一在西門外太平莊西南里許嘉慶十四年江南

陽湖人憚之煥施立計地一頃零十五畝

一在河北獅子林池北本廟尼僧圓明施立

一在濠牆外西南道光二十年天津道陸公建瀛

施立計地二頃八十畝

一在河北梁家嘴同治五年邑人游擊銜趙濬施

立計地六十畝

補編

邑廩生寇蘭皋創立延生社嗣因經費不敷道光三十年經蘆商華長祥等呈請運使楊公需於商捐款內歲撥助錢數千緡咸豐六年邑紳楊成錦捐資承辦迄今十餘年俱尉文輔經理社中捐資出力者張靜波王蓮品王輿權汪哲田陳位端沈宜之傅瑞庭陳良弼沈敬修李聘三李太和張善友李閏坡沈小園陳達三楊蔭亭寇肇慶陳心柏李長慶魏起堂陶筠溪王野園劉承楓

續天津縣志

卷八

補編

五

邑人李明遠等創立澤屍社道光十九年天津知府恒公春捐錢壹千緡交蘆商王蓮品發典生息以助義舉咸豐十年挑築濠牆同治八年修理河隄屍棺暴露先後掩歸義地者幾二千具同治八年王蓮品交嚴任波經理每屆清明節徧歷四鄉修補陸埋俱尉文輔身親其事文輔字鳳池浙江山陰人

邑人李文照樂善好施其子刑部郎中春城克繼其志立保貞禦寒等社賑濟窮而無告之人復於咸豐五年在城內貢院西創立寄生所每歲自冬

月起至來春止收養貧人數百與異鄉人之流落在津者日給粥饘生則棲止病則醫藥故則殮埋今十六年矣

邑自增生朱維翰等創立恤嫠會至今舉行惟會資僅敷收養百人至後來應恤之人註姓氏於簿會中有病故者補之恆多年不能挨及同治九年

天津道丁公

壽昌

訪悉其事惻然憫之與運使恆

公

慶

津海關道陳公

欽

署天津知府馬公

繩武

籌

款擴充時前署天津知府任公

信成

所立全節堂

存有捐項章程日久未定公恐此項漸致消耗或

續天津縣志

卷八

補編

去

爲他事挪用商之邑紳提交當行生息復收養嫠嫠百人並擬於來年起以船捐鹽捐兩項併歸當行每年添收二十人經理其事者華長祥王鏞華楨楊俊元金世珍高裕源

以上四條鐫板後復據採訪送局夫賢司牧恫瘝在抱發政施仁與玩視民瘼者異矣至邑人士俗敦古處爲善最樂豈爲富不仁者比耶故備書之

附編

西沽橋道

係入都通衢濱河長七八里每遇大



雨時行多被冲刷中間板橋石橋大小紅橋等  
橋座不時坍塌道光二十六年咸豐三年八年  
同治八年邑紳張錦文俱獨力捐修

北門石道 道光年間邑紳侯肇安華光燁先後  
捐資重修同治八年蘆商華長祥創捐重修邑  
紳趙濬王鏞督修

南門石道 道光十六年邑人姚海章捐資重修  
東門石橋 咸豐七年邑紳張錦文捐資重修  
北門石橋 咸豐七年邑紳張錦文捐資重修